

# **Philipi Chostshogsla Paului Chagđis.**

## **Philipi chostshogsla Paului chagđissi skor.**

I chagđis tar sjanme chosthogssi uskyoŋgun gyudte ɣadanja i chagđispo Tsoo Yeshui skutshabs Paului Philipi chostshogsla dia dzadkhanbo gyus chanog.

Chossi khaspagunni, i chagđispo Yesu tɔnste sontea zhanste stiňne lo 28 nyekhorla nam Paulu Rommi naŋja tanporaq tsonni naŋja yodtus dia dzadkyag zerranog.

Paului Philipi chostshogsla i chagđis dicensi gyuntshangun ni:-

1. Te chostshogsla Paulu tsonni naŋja yodkhanbo gyusyodpa, gamoe nastshul khyebsshugcessi chaglaspoa ci chen samte khonqunla tsherkha yod pasarj, Paului i chagđispo dia dzads. Dospobo ni khor tsonni naŋja yodkhanni gyuntshanboe, gamoe nastshul khyebsshessi naŋja rogs dzadkhanbo khonqunla shadda dzads.

2. Chostshogssi naŋja po manpo budte yodpin, yan Paului khonqunla pasmo gyurte cigđil chacesla spospa sals.

3. Zumo yodtus yan gyalte stiňne epaphoroditusla curjkhan tshańma hagocugces.

4. Tadpacanni Yahudapa thimsla stenkhanne labzhagun minyancesla spanpudces.

5. Khorjji tadpacangunla ɣadanji snyiŋ tar samba gunla zhide salkhanni Konchoggi denbeka stente dugcesla spospa sals.

6. Khorja tankhanni pene rogssи phia khonqunla thugrjeche zhuces..

## **Paului ju zhu.**

**1:1 ne 2**

**1** <sup>1</sup> I igebo Yeshu mashike zhabstogpa Paulu tar̄ Timothi chogsne in. De Philipi donjkyerri naŋja Mashika Yeshui inkhanni mi dampagun, chostshogssi uskyoŋgun tar̄ zhabstog zhukhangunla diađ.

<sup>2</sup> Dadanjji Konchog yab tar̄ Tsoo Yeshu mashike khyozhagunla thugrje tar̄ zhide salla dzadcesla ɣazhe moslam zhuad.

## **Paului Philipi chostshogssi phia moslam zhus.**

**1:3 ne 11**

<sup>3</sup> Khyozhagun idtu co zane, ne ɣaranji Konchogga thugrjeche zhuad. <sup>4</sup> Yan tusgyun ne khyozhagunni phia thadpo nyampo moslam phullad. <sup>5</sup> Ciazerna khyozhagunni tadpa cospane pharla dagsa tsugspa, gamoe nastshul phelcessi chaglassi naŋja ɣaa rogs coinzhig in. <sup>6</sup> Yan khyozhagunni semssi naŋja i chaglas zarpobo gozug dzadkhanni Konchoggi, Yeshu Mashika logste phebccessi zhagga, te chaglaspo ḋanda ḋub cugga dzadcespo ɣa lokhyel rag.

<sup>7</sup> Khyozhaa ḡe snyiṇji naṇja lus pasaj, ḡe khyozhaa tshaṇme skorla tezug samcespo ranžhin innog. Da tsonni naṇja ya thimskhunja gamoe nastshul skyobin, yaṇ tebo denba inkhanbo stānin yoddō, Konchoggi thugrje gyudte khyozhagunnaṇ ḡa nyampo khorṇji zhabstoggi naṇja ḡestē innog. <sup>8</sup> Dear khyozhaa, Mashika Yesu tsogsla camspa cocespoe, ḡaa khyozhaa tshaṇma yanṣkyar thugcesla riṇsin yodkhanboe, spanjo Konchog in.

<sup>9</sup> De moslam zhuad, Konchoggi khyozhaa cīg taṇ cīgga camspa cocessi naṇja shesrabs taṇ hago manja salla dzadshig. <sup>10</sup> Mashika logste phebcessi tus tshagpa, sems lagmo taṇ nojsmed lusshessi phia, tshaṇmesan khagcan ci inkhanbo khyozhaa gyus chacesla, ḡe dodpa coad. <sup>11</sup> Yesu Mashika gyudte yonkhanni taṇpo ḡasbu nyampo khyozhe ranji mitshee skonshig, teboe Konchogga spal taṇ stodpa khyonjanog.

### Gamoe nastshulli yargyas.

#### 1:12 ne 17

<sup>12</sup> Spungun, ḡe sammarag khyozhagunla ibo gyus chagos. Daa cuṇkhan tshaṇme gamoe nastshulli yargyassi naṇja rogs coste in. <sup>13</sup> Gyalpoe kharri naṇja yodkhanni magmi taṇ zhanmi tshaṇmaa, Yesuha zhabstog zhucespoe, ḡaa tsonla kagskhanbo hagote innog. <sup>14</sup> Yaṇ ḡa tsonla kagcespoe, Tsoo Yesuika tadpa borkhan spun manpozhiggaj semstobs skyeste, hampa nyampo jighes medpa, Konchoggi ka zhanmagunla shadin innog.

<sup>15</sup> Khaciggi ḡeka tshigces yonjte miṇcan gyurcessi dodpa borte mashike skorla shadcespo denba innog. Innaq zhan khaciggi mashike skorla sems zaṇpoe thogne shadin innog. <sup>16</sup> Yashe naṇja mashike skorla shadkhangunla, Konchoggi gamoe nastshul skyobcesla ḡa iru borra dzadkhanbo hagote innog. <sup>17</sup> Innaq ḡeka tshigces yaṇ miṇcan gyurdod yodte mashike skorla shadkhangunni sems zaṇpoe thogne mashadda, ḡa tsonni naṇja yodtus nags manja thoṇcugcessi phia shadin innog.

### Mashike phia Paului mitshe.

#### 1:18 ne 26

<sup>18</sup> Gyuntshanbo zaṇpo inđo ya ḡanpa, tebo khagcanzhig manog, khagcanbo ni mashike skorla gamoe nastshul shadin yodkhanbo innog, tennaboephia ḡa thadpo in. Ona ḡe taruṇjaṇ thadpo coin. <sup>19</sup> Khyozhagunni moslam taṇ Yesu mashike thugnyiddi rogs gyudte, ḡaa te rdugnalgunne tharpa thobcespo ḡa gyusyod.

<sup>20</sup> De semssi dodpa taṇ rewa chenmobo mashike skorla shadcesla thel mathella semstobs nyampo shadcespo in, kazug ḡe coin yonjte in. Ta ḡa shina ya ḡa sonnaṇ, ḡaranji mitshee naṇja Mashika stsiwa khyorcespo ḡe dodpa in. <sup>21</sup> Daa sontea dugcespo ni Mashikaa stsiwa khyorcessi phia in, yaṇ shicespo ni ḡe phia tesaj manja phanthogscanzhig in, ciazerna ḡa khoṇ nyampo lusin. <sup>22</sup> Da i zugspoe naṇja dugna, ḡe mashike phia ḡasbu smin cugin, innaq ḡa caṇ gyusmed te nyiskoe naṇje kabو gyalla in. <sup>23</sup> De semssi naṇja thetshoms rag, te nyiskoe naṇje kabо ḡe Idamin. Da i jigstenbo phanjte Mashika nyampo namkhe naṇja

lusshessei dodpa rag, kabo nej phia manja gyallazhig in.<sup>24</sup> Innaq nej tarunjanjai khyozhagun nyampo lusshespo, khyozhagunni phia manja phanthogs chea innog.

<sup>25</sup> Khyozhagun tadpe naqja Idances tan thadpo cocessi phia, nej khyozhagun nyampo dugces yan i zugspoe naqja tarunjanjai lusshespo, nejaa thetshoms medpa gyusyod.<sup>26</sup> Daa yonjacig, khyozhagunni Mashika Yeshua manja stodpa phulin, ciazerna khonji nej khyozhagunni logste khyonja dzads.

### Namkhe yulmi tsogsla duggos.

#### 1:27 ne 30

<sup>27</sup> Tshanjmesaq khagcanbo, khyozhagunni mashike gamoe nastshulli phia ospacanni mitshezhig phudgoshes innog. Da khyozhagun yodsa yonste thoqin ya nej khyozhagunni skorla tshorin, gamoe nastshulli lonboe phia, khyozhagun semssi naqja cigdil sonje magmi ciggi tshulla nolin dugcespo nej gyuschen.<sup>28</sup> Citshanje naqja gyabgal cokhangunni kane jigs majigs. Khongunla mijigsshespo ni khongun medkhan coa dzadces, yan khyozhagun skyobba dzadcessi stagsshig innog, Konchoggi te tshanjma cuq cugga dzadin.<sup>29</sup> Konchoggi khyozhagunni Mashika tadpa coces cigpo manpa, khonji phia nagsbardo thoqcessi stsiwabo salla dzadte in.<sup>30</sup> Khyozhagunnaq nejaa cujskhanni nags tsogs thoqin innog, nejaa nags thoqkhanbo khyozhagunni thoqte innog, yan nejaa tarunjanjai thoqin yodkhanbo khyozhe tshorin innog.

### Yesu ɏulla dzadkhanni pasmoe lammika ɏul.

#### 2:1 ne 11

**2** <sup>1</sup> Mashike incespoe khyozhagunla spospa mathobba? Ci mashike camspe naqja semsde meragga? Ci khyozhagun Konchoggi thugnyid nyampo delte medda? Ci khyozhagunla mashike yasha tan snyirje mathobba?<sup>2</sup> Kaltes khyozhe naqja te tshanjma yodna, snyirj cig gyurte, cig tan cigga camspa coste, sems tan dodpe naqja cig gyurte nej thadpogun qandaq ɏubcugshig.

<sup>3</sup> Cizhiggan ranjod ya zhanme stsiwa thobcessi rewe naqja macoa, sems pasmo nyampo zhanma ranjni san manja rincan samste coshig.<sup>4</sup> Khyozhaa rere randon cigpo macoa, zhanme phanthogssi phiaq samba tonshig.

<sup>5</sup> Khyozhagunni samtshul Mashika Yeshui tsogs yongoshes innog.

<sup>6</sup> Zhan khoq khonjanj Konchog inteaq,

Khonji Konchog qandaq inkhanni Kosabo

Thamste borin mane samma madzads.

<sup>7</sup> Innaq khonji namkhe thobtan tshanjma phanja dzadte,

Yogpo tsogs gyurra dzadte, mii tshulla skyea dzads.

<sup>8</sup> Khonjanj pasmo coa dzadte,

Tonjstojs tshagpanj Konchoggi khanyanna dzads,

Yanja mašante rdugjalcanne škyanšhiňnika tonjshespoq.

<sup>9</sup> Tennaboephia Konchoggi khonja tshanjmesaq stsiwacanni nassekka stagga dzads.

Yaŋ tshanmesan stsiſtaŋcanni tshanbo salla dzads.  
<sup>10-11</sup> Tenna gyuntshanboe phia Yeshui tshan sjon zane,  
 Namkhe naŋja, jigstennika yan se yogga,  
 Sog yodkhan tshanjme pigdon tsugste  
 Yeshu Mashika ni Tsoo innog zerin,  
 Teboe Konchog yabba spal khyonja dzadin.

**Jigstenni naŋja od tsogs gyur.**

**2:12 ne 18**

<sup>12</sup> De cespe dzaogun, ḥa khyozhagun nyampo yod zane, khyozhe tusgyun ḥe labzhagun khanyante ḥulla tsogsla, ḥa khyozhaa nyampo med zane tesaj manja khanyonshig. Yaŋ Konchoggaa stsiwa taŋ khoŋji jigssi naŋja stanna dzadkhanni lammika ḥulin tharpe phia stsondus coshig. <sup>13</sup> Ciazerna Konchog khotrjanji khyozhagunni naŋja chaglas dzadte khot thugsthadkhanni las cocesla dodpa taŋ khyud salla dzaddanog.

<sup>14-15</sup> Suzhiggian khyozhagunla skyon kal minyanceSSI phia, cizhig conaŋ zergyu matanja ya zerlen medpa coshig. Yaŋ Konchoggii ḥugu tsogsla, khyozhe mitshebo nojsmed tarj, stsaŋmazhig phudshig. Tene gobskorkhan tarj sdigcan ganste yodkhanni jigstenni naŋja khyozhagun skarma Idanshan tsogsla thorjin. <sup>16</sup> Thamedpe mitshe khyonkhanni kabu stanco thamste dugshig, tene Yeshu Mashika logste phebscessi zhagga, khyozhagunni ḥoa ḥe stsondus tshanma tonmedla machaa, ḥa khyozhagunni phoso tshorin. <sup>17</sup> De mitshebo khyozhe tadpacanni zhabstoggi chodpa phulkhannika chuphud tsogsla phulnaj ḥa thadpo rag, yaŋ ḥe khyozhagun nyampo skyidpo coin. <sup>18</sup> Ona, khyozhagunniŋ ḥa nyampo thadpo taŋ skyidpo cogoshes innog.

**Timothi tarj epaphoroditussi skorla.**

**2:19 ne 30**

<sup>19</sup> Kaltes Tsoo Yeshui goŋspa salna, ḥe Timothi khyozheka gyogspa lamcugcessi rewa borrad. Tene khoe khyozhagunni skorla nastshul shadte ḥaa thadpo chacugin. <sup>20</sup> Ika khyozhagun tadpe naŋja Idannada Idanna med samste denbe tsherkha cokhan kho mane yaŋsuzhiggaj med. <sup>21</sup> Ciazerna zhanma tshanjme ranđon mane Mashika Yeshui thugsdoddi phia tsherkha coa midug. <sup>22</sup> Innaj khyozhagunla Timothii khoraj idshescan stankhanbo gyusinnog, ciazerna khoe butshazhiggi ranji abaa zhabstog zhua tsogsla, gamoe nastshul shadcessi naŋja ḥa nyampo zhabstog zhuste in. <sup>23</sup> Ika ḥa nyampo cuŋcespo hagoacig, ḥe kho khyozheka lamcugcessi rewa in. <sup>24</sup> Da lokhyel rag, Tscoe ḥaŋ khyozhagun yodsa gyogspa yon cugga dzadin.

<sup>25</sup> Innaj ḥe spun, ḥopa tarj ḥopa magmi inkhanni epaphoroditus khyozheka logste lamcugcespo khagcan sam. Kho khyozhe tshabs coste ḥe ghosdomgunla stastog cocessi phia khyozhagunni lamcugste inpin. <sup>26</sup> Kho khyozhaa tshanma ſanṭe thugnyin dug, yaŋ khyozhagunla khoa zumo dug zerte tshor pasan, khoe

Khyozhagunni phia tsherkha corug.<sup>27</sup> Tantanla khoa zumo şanṭe yojs, yan shices yodpin. Innaj Konchoggi khoeka thugre dzads, kho cigpoeka manpa, ja tsherkheka tsherkhaa micuñcessi phia ɳekəŋ thugre dzads.

<sup>28</sup> Khyozhagunni kho thonste thadpo chaces tan je semssi nañjaŋ khyozhe phia tsherkhabo nyurjun chacesla kho khyozheka lamcugcessi ɳaa dodpa chenmo rag. <sup>29</sup> Maşanṭe thadpo nyampo khyozhagunni Tsooe nañja khoa ranji spun tsogsla gasus zhus, yan kho tsogssi migunlaŋ stsiwa cos. <sup>30</sup> Ciazerna mashike zhabstoggi nañja khoe khoranja nañja matanja, khyozhe tshabsla ɳaa rogs coin kho shicesla thug.

### Τarpoe Iam.

3:1 ne 11

**3** <sup>1</sup> Stinjugga, je spungun, Tsooe nañja thadpo coshig. Khyozhaa i speragun Idabste shadcesla ja sunces merag. Ibo khyozhagunni şuŋskyobbi phia in.

<sup>2</sup> Khyi tsogs, ɳanpa las cokhan, tharpa thobcessi phia sunnad cogos zerkhanni i Yahudapagunni kane shaŋ coshig. <sup>3</sup> Dadaŋ ni: semsla sunnad dzadte Konchoggi denbe migun, khorŋi thugnyid gyudte colkhan, Yesu mashike ɳadaŋji phia dzadkhangunla stodpa phulkhan tan jigstenpe lugşolgunnika lokhyel macokhangun innog. <sup>4</sup> Tetsogssi jigstenpe lugşolgunnika ɳear lokhyel conyances yodpin.

Kaltes suzhigga te lugşolgunla lokhyel cocessi gyuntshan yodna ɳaŋ ma manpo yod: <sup>5</sup> sperna skyeste zhag gyadpe zhagga<sup>a</sup> ja sunnad cos, ja Israelpa in, ja Israeli stsiwacanni sde Benyamin zerkhanne in, ja tan je phamespo tshanma ibripa in, thims rere gyalla coste şuŋkhanni chossi sde pharushipa zerkhanboe nañne ɳaŋ inpin, <sup>6</sup> Konchoggi phia semsshugs nyampo je Yeshui chostshogsgunla nags stanpin, Yahudapagunni thims nañzhin ja skyonmedzhig inpin.

<sup>7</sup> Innaj kagun je sjuŋla maa rincan stsiadpin, ta je dagsa rimmed stsiad ciazerna je phia Mashika ʈonssa dzads. <sup>8–9</sup> Ona nam je ma rincan Tsoo Yesu Mashika ɳosheshespo nyampo Idurna te tshanmaa caŋrin medte innog. Khoŋ nyampo del yodces tan khorŋi incessi phia je te tshanma khyimsa tsogs stsiste, phar tsharte in. Yahudape thimsgun khanyancespo manpa mashikeka tadpa khyoncespo gyudte ja ʈanpo theadzadte in, ciazerna Konchoggi dunla ɳadaŋ ʈanpo incespo ni tadpeka raglaste innog. <sup>10</sup> Da Mashika sheshes yan shikhangunni ʈone sonpo lanja dzadkhanni Konchoggi te wan ʈagpoe thorŋoms chanyinrag. Mashika nyampo rdugnal thorŋte khorŋi ʈonshessi nañja des nyinrag <sup>11</sup> ɳan shikhangunni ʈone sonpo lanja dzadcessi rewe nañja je tegun coad.

### Rewe chogsla chaces.

3:12 ne 4:1

<sup>12</sup> De ɳaranji rewabo ɖub tsharte in, ya ja Mashika tsogs gyurte in zerramed. Innaj je khorŋ tsogs gyurcesla stsondus maa gyalla coad, ciazerna tennaboe tonla

<sup>a</sup>3:5 Konchoggi mi thecessi phia Yahudape chossi kathims nañzhinla skyeste stiŋne zhag gyadpe zhagga butshaa ʈugugunni she pagspa cadte zugspoeka stags cogossadpin.

Khonjri ja Idamma dzadte inpin.<sup>13</sup> De spungun, ja te tsogssi mi taruŋ magyurra in. Innaŋ je sjunma tshaŋma rjedte yoŋcescanni tussi phia stsondus ḡanṭe coad.<sup>14</sup> Banldurri naŋja baŋtaŋkhangun stinjuggi thig tshogpa baŋgyugs tanja tsogsla, Konchoggi Mashika Yesu gyudte boddha dzadkhanni namkhe solras chogsla nean bangyugs tanjad.

<sup>15</sup> Dadarj semsnyiddi naŋja Idankhan tshaŋme je labkhangunni khachams goshes innog. Kaltes khyozhe naŋne suzhiggi samtshul tesaŋ soso yodna, Konchoggi khonjgunla denbe lambo salpo hagocesla rogs dzadin.<sup>16</sup> Ta Konchoggi dagsa tshagpa sjunccugga dzadkhan naŋzhin ḡadanguṇni mitshebo phudin.

<sup>17</sup> De spungun, khyozhagunni mitshe, je phudkhan tsogsla phudshig, yaŋ nazhe speeka dulkhangunni kane gyalla coste coŋshig.<sup>18</sup> De khyozhaa sjunla lan maŋpo zer tsharte in, yaŋ taruŋŋaj chima nyampo zerrad, maŋpozhig mashike ḡyanjshinji gyabgal inkhanni lammika ɬuldug.<sup>19</sup> Khongun medkhan chacessi chogsla chen innog, ɬodpabo khongunni Konchog innog, khonranguṇni thelmedi lasgunki phoso coanog, jigstenpe khagcan thekhangunni skorla khonjgunni tusgyun samba tanjanog.<sup>20</sup> Innaŋ ḡadanguṇ ni namkhe yulmi innog, yaŋ skyabgon Tsoo Yesu Mashika logste phebshessi phia ḡadanguṇni rijsin ſuŋjanog.

<sup>21</sup> Khorjanji waŋni yogga citsharja khyorjyanna dzadkhanni mashike stobspoe, ḡadanguṇi stobsmed i jigstenni zugspobo khonraŋ tsogssi zirridcan gyur cugga dzadin.

**4** <sup>1</sup>Tennaboephia spungun, je camspa cokhan tan thugcesla raa rijsin yod, khyozhaa je skyidpo tan thorshog in. De cespe dzaogun Tsoo Yeshui naŋja stanpo dugshig.

### Spospe speragun.

#### 4:2 ne 9

<sup>2</sup> De spunmo iuodia tan Sintike, khyozhaa nyiskoe naŋja miđigces yodkhangun medkhan coste juju thunshig, ciazerna khyozhagun Tsooe innog.<sup>3</sup> Yaŋ je idshescan ɬopa khyorjanji, te bumo nyiska thuncugcessi naŋja rogs cos. Khonjgunni ja nyampo Yesu mashike gamoe nastshul shadcessi naŋja ḡanṭe stsondus cos, yaŋ Klement tan je zhan ɬopa gun nyampoan las coste inpin, kagunni miŋ mitshee speche naŋja Konchoggi dia dzadte innog.

<sup>4</sup> Tsoo Yeshui naŋja tusgyun thadpo dugshig. De yaŋskyar zerrad thadpo dugshig.<sup>5</sup> Khyozhaa pasmo inkhanbo khyozhe scodpa gyudte tshaŋmala thoŋcugshig. Rjed marjed, Tsoo gyogspa logste phebssa dzadin.

<sup>6</sup> Cizhiggi phiaŋ tsher matshershig, innaŋ naslug tshaŋme naŋja Konchogga moslam phulin khyozhagunni ghosdomgun salcesla zhuwa phul zane thugreche zhushig.<sup>7</sup> Tene ḡadanguṇla Konchoggi zhide thobin, kabø ḡadanguṇni hagone thalte yod, yaŋ Mashika Yesu naŋja khonjri zhidee, khyozhe snyiŋ tan sems gun skyobste borra dzadin.

<sup>8</sup> Stinjugga, spungun, denba inkhan, stsiwe ospa, taŋpo cokhan, stsaŋma, cespakan, stodpe ospacan ya tegunni saŋ manja ɬagpo tan stodpe ospa

thobcescan gunnika khyozhe sambabo stanco borshig.<sup>9</sup> Khyozhagunni ḡe kane lobskhan, ya thobkhan, ya tshorkhan, ya ḡe coala thonkhangun laglenni naṇja khyoṇshig, tene zhide Konchog khyozhagun nyampo zhugsin.

### **Paului khongunni skyespoa thugrjeche zhus.**

#### **4:10 ne 20**

<sup>10</sup> Ta stinjugga khyozhagunni ḡe phia yanjskyar naṇja tanjs pasaj, ḡe Tsoo Mashika stodpa phullad. Tantanla khyozhagunni tusgyun ḡe phia tsherkha coadpin, innaj ḡa rogs cocessi skabs khyozhagunla mathobba innog. <sup>11</sup> De tebo ḡaa ghosdom yod pasaj zerramed. Ida naslug tshajme naṇja tshimste skyidpo dugcespo hagote in. <sup>12</sup> Ghosdommi naṇja ya manjsteaj yodcespo, kazugshig yoṇcen ḡa gyusyod, yanjslug tshajme naṇja skyidpo nyampo dugcessi thabspo ḡaa hagote yod, yanja ḡa zagyu manjo yoddø ya stogria, ḡaa ma manjo yodðo ya ghosdommi naṇja. <sup>13</sup> Mashike ḡa shed salcespoe ḡa naslug kazugshig innaj khur thubbad. <sup>14</sup> Teneaj ḡe rdugnjalgunni naṇja thuste ḡa rogs cocespo khyozhe ḡa thugrje dzadte innog.

<sup>15</sup> Philipi chostshogs khyozhaa gyusinnog, ḡe gomaraṇ khyozhaa gamoe nastshul khyorste, makedoniye yulne ḡa chaa zane, khyozhaa manpa yanjsu chostshogsshiggan ḡe ghosdommi naṇja rogs macos. <sup>16</sup> Yanj ḡa thesalonike gyalse naṇja ghosdom yod zaneaj, khyozhagunni ḡa lan manjo skyes kals. <sup>17</sup> De tebo khyozhagunni ḡaa skyes kalte lebcassi phia zerte man innaj Konchoggi khyozhaa salcessi solraspoeka nante salsa dzadcesla zerrad.

<sup>18</sup> Spun epaphoroditus nyampo khyozhe ḡaa kalkhanni skyesgun ḡe ghosdommi saj manjja dugpin, ta ḡa yanj caṇ ghosdom med. Tegun ni tizhimcanni chodpa, Konchog thugsthakhan tarj ospa innog. <sup>19</sup> Yanj ḡe Konchoggi Mashika Yesu gyudte khorraṇji zirriddi barjzodne khyozhagunla ghosdom yodkhan tshajma salsa dzadin.

<sup>20</sup> Dadaṇji Konchog tarj yabba tusgynnegyun spal thobshig, amen.

### **Stinjuggi ju.**

#### **4:21 ne 23**

<sup>21</sup> Yesu mashike naṇja tadpa yodkhanni mi dampagunla ju zhus, yanj ḡa nyampo yodkhanni spungunniaj khyozhagunla ju zhurug. <sup>22</sup> Iru yodkhanni zhanyar mi dampa, migsalli Rommi gyalpoe kharri naṇja las cokhangunnian, khyozhagunla ju zhurug.

<sup>23</sup> Tsoo Yesu mashike thugrje khyozhagunni sems nyampo zhugsshig, amen.